

Неъматнинг қадри у йўқолгандагина билинади.

Абу Райҳон Беруний



Қонунчиликда қандай ўзгаришлар бўлади?

Экспорт
Маҳаллий экспортчиларга хориддан маҳсулот олиб, импорт қилмасдан учинчи давлатга тўғридан-тўғри сотишга рухсат берилади.

Ўрмон
Ўрмон участкаларини хусусий секторга мулк ҳуқуқи билан бериш тартиби кучга киради.

Автомобил
Давлат бошқаруви органларининг хизмат автотранспорт воситалари уларнинг раҳбарларига шахсан бириктирилади.

Ўқув
Худудлардаги нодавлат таълим ташкилотларининг бинони ижарага олиш харажатларининг бир қисми қоплаб берилади.

Ўқув
Давлат харидлари соҳасида ўтказиладиган тендер натижаларини мажбурий тарзда очик эълон қилиш йўлга қўйилади.

Ўқув
Чиқиш туризми бўйича айрим лицензия талаблари жорий этилади.

Ўқув
Ҳайдовчилик гувоҳномасини расмийлаштириш учун барча ҳужжатларни ЯИДХП орқали ҳам тақдим этиш имконияти яратилади.

Ўқув
Ҳомилалар аёлларни комплекс кузатиш бўйича ягона тизим жорий этилади.

Ўқув
Аҳолининг жисмоний тайёргарлик даражасини баҳолаш тизими жорий этилади.

Ўқув
Давлат суд-экспертизаси муассасаларининг фойдаланилмайдиган биналари суд экспертизи билан шуғулланадиган хусусий шерикларга ижарага берилади.

ЎЗБЕКИСТОН КАСАБА УЮШМАЛАРИ ФЕДЕРАЦИЯСИДА КУНУ ТУН ФАОЛИЯТ КЎРСАТАДИГАН

12-11

қисқа рақамли («Ишонч телефони»), яъни «Call-center»га мамлакатимизнинг турли ҳудудларида, олис ва чекка қишлоқларида яшайётган хотин-қизлар ўз муаммолари бўйича исталган вақтда мурожаат қилишлари мумкин.



Юрт тараққиёти йўлида бирлашайлик!

Ishonch

2021 йил
29 июль
пайшанба
№ 96
(4536)



Бундан бир йил аввал Денов ва Сарийосиё туманлари чегарасидаги «Наврўздара» ҳудудида «Сангардак» сўхатгоҳи қурилиши бошланган эди. Қисқа вақт ичида Ўзбекистон касоба уюшмалари Федерацияси маблағи эвазига «Касаба таъмир шўъба» корхонаси бунёдкорлари томонидан 50 ўринли янги замонавий бино қуриб битказилди.


ЧИРОЙ ОЧАЁТГАН «Сангардак»



Тоғ қиёфасига янада чиroy бахш этган сўхатгоҳнинг 3 қаватли муҳташам биноси 29 хонадан иборат бўлиб, ҳар бир хонада барча шароит муҳайё, – дейди Ўзбекистон касоба уюшмалари Федерациясининг Сурхондарё вилояти кенгаши раиси Абдуқарим Аҳмедов. – Айни пайтда «Сангардак» сўхатгоҳида қурилиш ишлари давом этмоқда. Қурувчилар 8 қаватли 200 ўринли сўхатгоҳнинг бош биноси қурилишини аллақачон бошлаб юборишган. Айни вақтда бинонинг 1-қавати пойдевори ва темир-бетон ишлари тугалланиб, чиқиш зинапоялари қўйилди. Мазкур бинонинг орқа томонида 200 ўринли ошхона, даволаш биноси ҳамда усти ёпиқ бассейнлар ҳам бунёд этилмоқда. Уларнинг темир-бетон ишлари тугалланмоқда.

– Давлатимиз раҳбарининг ташаббуси билан қад ростлаган «Сангардак» сўхатгоҳи биз сурхондарёликлар учун Мустақиллигимизнинг 30 йиллик тўйига муносиб совға бўлди, – дейди сарийосиёлик педагог Аҳмаджон Бобоев. – Насиб этса, «Наврўз» умумхалқ байрамида сўхатгоҳнинг қолган қисми ҳам тўлиқ фойдаланишга топширилади.

Рустам ДАВЛАТОВ, «ISHONCH»



Кун нафаси

Президент Шавкат Мирзиёев раислигида 28 июль куни ногиронлиги бўлган, ота-она қарамоғидан маҳрум ва етим болаларни давлат томонидан қўллаб-қувватлашни кенгайтириш ҳамда ижтимоий нафақаларни тақомиллаштириш масалалари бўйича видеоселектор йиғилиши ўтказилди.

«Соғлиқни сақлаш соҳасида иختисослаштирилган тиббий ёрдам кўрсатиш тизимини янада тақомиллаштириш чора-тадбирлари тўғрисида»ги Президент қарори қабул қилинди.

Ўзбекистон Республикаси ташқи ишлар вазири Абдулазиз Комилов Латвия Республикаси ташқи ишлар вазири Эдгарс Ринкевич билан видеомулоқот шаклида учрашув ўтказди.

28 июль куни Тожикистон пойтахти Душанбе шаҳрида Шанхай ҳамкорлик ташкилотига аъзо давлатлар мудофаа вазирларининг навбатдаги йиғилиши бўлиб ўтди.

Сайловнинг расмий логотипи танланди.

«Туси ўзгартирилган (қорайтирилган) ойнали автотранспорт воситаларидан фойдаланиш тартибини тақомиллаштириш бўйича қўшимча чора-тадбирлар тўғрисида»ги Хукумат қарори қабул қилинди.

Пойтахтимизда Омбудсманнинг 2021 йилдаги асосий фаолият йўналишларини белгилаш бўйича Олий Мажлиснинг Инсон ҳуқуқлари бўйича вакили (омбудсман) ҳузурдаги Инсоннинг конституциявий ҳуқуқлари ва эркинликларига риоя этилиши бўйича комиссия йиғилиши бўлиб ўтди.

Жиззах вилояти соғлиқни сақлаш бошқармаси томонидан коронавирус инфекцияси билан боғлиқ тиббий масалалар бўйича зарур тажрибага эга бўлган тиббиёт мутахассислари жалб қилинган ҳолда «Call-марказ» қайтадан ишга туширилди.

Ташқи меҳнат миграцияси агентлигининг Андижон ва Наманган вилояти филиаллари томонидан Россия Федерацияси Свердловск вилоятига ишлаш учун юборилган юртдошларимизнинг яшаш ва иш шароитлари, муаммоларини ўрганиш мақсадида «ПУСК» ташкилотининг қурилиш майдонида учрашув ташкил этилди.

Ўзбекистон Республикасининг Новосибирск шаҳридаги Бош консулхонаси, Ташқи меҳнат миграцияси агентлигининг ваколатхонаси ва мазкур шаҳардаги фаол ватандошлар билан ҳамкорликда Искитим шаҳридаги бетон заводда меҳнат қилаётган фуқароларимиз билан очик мулоқот ўтказилди.

2021 йил 27 июнь санасидаги маълумотларга кўра, юртимизда коронавирусга қарши 1 миллион 120 минг нафардан ортиқ киши тўлиқ эмланди.

Сурхондарё вилояти ҳокими Тўра Боболов Музаброт туманидаги «Наврўз» маҳалласида аҳоли билан сайёр қабул ўтказди.



Ўтган йили Олий Мажлис Қонунчилик палатасида «Миллий тикланиш» партияси фракцияси ташаббуси билан таълим тизимида «Тарбия» дарслигини жорий этиш ва ушбу фан бўйича малакали, етуқ мутахассислар тайёрлаш масаласи кўтарилган эди. Ташаббус маъқуллангач, тез орада дарслик яратилди ва янги фан умумтаълим мактабларида ўқитила бошланди...
Бу яхши, албатта. Аммо кўпчиликни

«ТАРБИЯ» муаллимга муҳтож(ми?)

қийнаётган бошқа бир савол бор: ўзи «Тарбия» дарсини мактабларда қимлар ўтатиши? Мутахассисларми ёки «малака» оширган ўқитувчилар?
Албатта, «малака» оширган ўқитувчилар. Сабаби янги фан бўйича иختисослашган педагоглар ҳали тайёрланмаган.
Соҳага масъул шахсларнинг ваъдаси ва режасига кўра, 2021 йилдан бошлаб олий таълимда «Тарбия» фани бўйича мутахассислар тайёрлаш кўзда тутилган эди.
Амалда-чи, нима бўлди? Ҳеч нарса! Чунки бу йил қабул бўлмади. Демак, мутахассислар тайёрлаш камида бир йилга кечикди...

Назаримизда, Халқ таълими ҳамда Олий таълим вазирликлари мутасаддилари бу масалага «етти ўлчаб...» тамойили асосида ёндашган кўринади...
Айтмоқчи бўлган гапимиз шуки, ОАВ ва ижтимоий тармоқларда соҳа мутасаддилари «тизимда ундоқ бўляпти, соҳада бундоқ бўлди...», деявермасдан жамият учун «Ё ҳаёт, ё мамот...» масаласига бир эътиборларини қаратиб қўйсалар...
Зеро, таълим ва тарбия, инчунин, «Тарбия» масаласида йўқотилган вақт жуда қимматга тушиши мумкин.
Алижон АБДУРАҲМОНОВ, «ISHONCH»

«Ishonch» кўзгуси

